

huffen artlandifs, als sie des unns in sunderheit haben unnderrichtet. Auch, gnedigen und lieben hern, so haben wir darneben uff uwrer gnaden schrifft unnd begerung die prelaten der closter unnd der pfar-kirchen, auch die altaristen bie uns zcu Liptzk besantt und haben von yn nach inhalt derselbenn uwerer gnaden schrifft derhalben unns unnderrichtung zcu thuen begertt; als haben sie unns gemeynlich alle daruff zcu antwort geben, das yn in den dingen unnd sachen ane yres bisschoffes unnd yrer obirsten prelaten in der geistlickeitt unnd provincialln wissen unnd volbortt nichts zcu thuen fuget; so yn aber von yrem bisschoffe, obirsten prelaten unnd provincialln derhalben etwas vorkundiget unnd das sie ein sollichs auch thuen sollen zcu irkemen geben wurd, welden sie sich alfsdanne nach aller billickeit halten unnd gehorsamlich ertzeigen. Unnd womit wir uwern gnaden unnderthenigen unnd gehorsamen dinst unnd willen beweiffen sollen, thun wir mit gantzem vleis unnd willen alle zeit gehorsamlich gerne. Geben zcu Liptzk unndir unnsERM secrett uff dornstag noch Luce ewangeliste anno etc. Lxx quarto.

Der rath zcu Liptzk.